
ХАЛҚАРО БОЛАЛАРНИ ҲИМОЯ ҚИЛИШ КУНИ МУНОСАБАТИ БИЛАН ВИЛОЯТИМИЗДА “ЯНГИ ЎЗБЕКИСТОННИНГ БАХТЛИ БОЛАЛАРИ” ШИОРИ ОСТИДА БАЙРАМ ТАДБИРЛАРИ БЎЛИБ ЎТМОҚДА

Бугун Фарғона шаҳридаги Аҳмад ал-Фарғоний номли маданият ва истироҳат боғида 1 июнь - Халқаро болаларни ҳимоя қилиш куни муносабати билан “Янги Ўзбекистоннинг бахтли болалари” шиори остида байрам тадбири бўлиб ўтди.

Тадбирга вилоятимизнинг шаҳар ва туманларидан ногиронлиги бўлган ва кам таъминланган оилаларнинг фарзандлари, оилавий болалар уйлари тарбияланувчилари таклиф этилдилар.

Байрам тадбирида вилоят ҳокимининг ўринбосари Шерзод Раҳимов сўз олиб, барча болажонларни байрам билан табриклади, уларга сиҳат-саломатлик, юрт қорига камарбаста бўладиган инсонлар бўлиб камол топишларига тилак билдирди.

Тадбир давомида расмлар кўрик-танлови, шашка мусобақасида болажонлар ўз истеъдодларини намойиш этдилар. Бахтли болаликни мадҳ этувчи шеърлар айтиб, қўшиқлар куйладилар.

Истеъдодли ўғил-қизларга байрам совғалари топширилди. Улар учун махсус ҳаракат воситалари, эшитиш анжомлари тақдим этилди.

Байрамона концерт дастуридан завқланиб, неъматлар тўла дастурхон атрофида ўтирган болажонларнинг шодлиги бир жаҳон. Байрам тадбири беғубор кўнгилларга кўтаринки руҳ бағишлади. Инсон қадри улуғ юртда яшаётган бахтиёр болалар давлатимиз ғамхўрлиги, жуда катта эътибор соясида камол топмоқдалар.

Кўрсатилган эътибор ва ғамхўрлик учун болажонлар ва уларнинг яқинлари миннатдорчилик билдирдилар.

Бу каби тадбирлар вилоятимизнинг шаҳар ва туманларида давом этмоқда.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2024-05-31 14:03:40